

(„Službeni glasnik BiH“, broj 13/07)

(„Službeni glasnik BiH“, broj 42/11)

Na osnovu člana 252. tačka 16), a u vezi sa članom 192. stav (5) Zakona o osnovama sigurnosti saobraćaja na cestama u Bosni i Hercegovini ("Službeni glasnik BiH", broj 6/06), ministar komunikacija i prometa Bosne i Hercegovine, u suradnji sa organom nadležnim za unutrašnje poslove, donosi

PRAVILNIK

O MEĐUNARODNOJ VOZAČKOJ DOZVOLI

(PREČIŠĆENI TEKST)

Član 1.

(Predmet)

Ovim Pravilnikom uređuje se način davanja ovlaštenja za izdavanje međunarodne vozačke dozvole auto-moto klubovima/ savezima i auto-moto društvima, postupak i način izdavanja međunarodne vozačke dozvole, obrazac i sadržaj međunarodne vozačke dozvole, način vođenja evidencije i čuvanje dokumentacije o izdatim međunarodnim vozačkim dozvolama (u daljnjem tekstu: Pravilnik).

Član 2.

(Ovlaštenje za izdavanje međunarodne vozačke dozvole)

- (1) Međunarodnu vozačku dozvolu u Bosni i Hercegovini izdaju za to ovlašteni auto-moto klubovi/savezi i auto-moto društva koja su registrirana u Bosni i Hercegovini, entitetima i Brčko Distriktu Bosne i Hercegovine.
- (2) Ovlaštenje za izdavanje međunarodne vozačke dozvole izdaje Ministarstvo komunikacija i prometa Bosne i Hercegovine.
- (3) Poslove izdavanja međunarodnih vozačkih dozvola auto-moto klubovi/savezi i auto-moto društva obavljaju kao poslove javnih ovlaštenja.
- (4) Ovlaštenje za izdavanje međunarodnih vozačkih dozvola izdat će se auto-moto klubovima/savezima i auto-moto društvima ukoliko ispunjavaju slijedeće uvjete:
 - a) da su registrirani u skladu sa Zakonom o udruženjima i fondacijama Bosne i Hercegovine ("Službeni glasnik Bosne i Hercegovine", broj 32/01) odnosno zakonima entiteta i Brčko Distrikta Bosne i Hercegovine;
 - b) da imaju osposobljen stručan kadar minimalno srednje stručne spreme;
 - c) adekvatan prostor za rad minimalne površine 16m²
 - d) metalnu kasu za čuvanje obrazaca međunarodne vozačke dozvole i arhiviranje dokumentacije.
- (5) Auto-moto klubovi/savezi i auto-moto društva iz člana 2. stav (1) ovog Pravilnika mogu poslove izdavanja međunarodne vozačke dozvole prenijeti na članice u svom sastavu (auto-moto društva/auto-moto klubovi) pod uvjetom da isti ispunjavaju uvjete predviđene stavom (4) ovog člana.
- (6) O prenesenim poslovima izdavanja međunarodne vozačke dozvole iz stava (5) ovog člana obavezno se informira Ministarstvo komunikacija i prometa Bosne i Hercegovine.

Član 3.

(Uvjeti za izdavanje međunarodne vozačke dozvole)

- (1) Međunarodna vozačka dozvola izdaje se na zahtjev vozača sa prebivalištem u Bosni i Hercegovini, a na osnovu važeće vozačke dozvole izdate od strane nadležnog tijela Bosne i Hercegovine na period važenja od dvije godine.
- (2) Međunarodna vozačka dozvola izdaje se na period važenja kraći od dvije godine u slijedećim slučajevima:
 - a) ako je kraći period važenja u skladu sa potpisanim međunarodnim ugovorom i
 - b) ako je period važenja nacionalne vozačke dozvole kraći od dvije godine.
- (3) Međunarodna vozačka dozvola ne može se izdati vozaču kome je odlukom nadležnog tijela izrečena mjera sigurnosti ili zaštitna mjera upravljanja motornim vozilom određene kategorije, dok ta zabrana traje.

Član 4.

(Izgled međunarodne vozačke dozvole)

- (1) (1) Međunarodna vozačka dozvola izdaje se na obrascu u skladu sa Aneksom 7. konsolidirane verzije Međunarodne konvencije o cestovnom saobraćaju (Beč, 08. 11. 1968. godine) i Evropskog ugovora koji dopunjava konvenciju o cestovnom saobraćaju (Ženeva, 01.05.1971. godine), a na osnovu Rezolucije Ekonomske komisije za Evropu br. 257, usvojene od strane Odbora za kopneni transport (Ženeva, 07.02. 2006. godine).
- (2) Obrazac i sadržaj međunarodne vozačke dozvole dat je u Prilogu broj 1. i čini sastavni dio ovog Pravilnika.
- (3) Međunarodna vozačka dozvola izrađena je od kartona (KVMK 250 - gramski) i sive je boje.
- (4) Zahtjev za izdavanje međunarodne vozačke dozvole podnosi se na obrascu koji je dat u Prilogu broj 2. i čini sastavni dio ovog Pravilnika.

Član 5.

(Izdavanje međunarodne vozačke dozvole)

- (1) Auto-moto klubovi/auto-moto savezi i auto-moto društva međunarodnu vozačku dozvolu izdaju na obrascu iz člana 4. stav (2) ovog Pravilnika.
- (2) Sadržina međunarodne vozačke dozvole ispisana je na jezicima konstitutivnih naroda u Bosni i Hercegovini i prevedena je na francuski jezik.
- (3) Pojedinačni podaci u međunarodnoj vozačkoj dozvoli ispunjavaju se latiničnim pismom, pisačom mašinom, računarnom ili neizbrisivom tintom.
- (4) Međunarodna vozačka dozvola je numerisana serijskim brojem i obavezno je izdavanje po redoslijedu serijskih brojeva, prethodno odobrenih od strane Ministarstva komunikacija i prometa Bosne i Hercegovine.
- (5) U međunarodnoj vozačkoj dozvoli se vrši ovjera kategorije u skladu sa važećom nacionalnom vozačkom dozvolom.
- (6) Fotografija vozača na međunarodnoj vozačkoj dozvoli učvršćuje se lijepilom i metalnim sponama i na istu se nanosi pečat izdavaoca po gornjem i donjem uglu uz obavezan lični potpis vozača na prostoru predviđenom

ispod fotografije, a druga fotografija vozača učvršćuje se na obrascu zahtjeva za izdavanje međunarodne vozačke dozvole.

(7) Naknada za izdavanje međunarodne vozačke dozvole jedinstvena je na području cijele Bosne i Hercegovine, a utvrđuju je ovlašteni auto-moto klubovi/auto-moto savezi i auto - moto društva uz suglasnost Ministarstva komunikacija i prometa Bosne i Hercegovine.

(8) Auto-moto klubovi/auto-moto savezi i auto-moto društva dužni su izvještaj o izdatim međunarodnim dozvolama dostaviti Ministarstvu komunikacija i prometa Bosne i Hercegovine jedanput godišnje.

Član 6.

(Registar izdatih međunarodnih vozačkih dozvola)

(1) O izdatim međunarodnim vozačkim dozvolama vodi se "Registar izdatih međunarodnih vozačkih dozvola", ovjeren potpisom rukovodioca auto-moto kluba/auto-moto saveza ili auto-moto društva.

(2) Registar izdatih međunarodnih vozačkih dozvola sadrži 200 posebno numerisanih strana, prošiven jemstvenikom i pečat sa potpisom rukovodioca.

(3) Registar izdatih međunarodnih vozačkih dokumenata sadrži slijedeće podatke: redni broj, podaci o međunarodnoj vozačkoj dozvoli (broj međunarodne vozačke dozvole, datum izdavanja, rok važenja), podaci o važećoj nacionalnoj vozačkoj dozvoli (registarski broj, datum izdavanja, naziv tijela koje je dozvolu izdao), podaci o vozaču (ime i prezime, mjesto rođenja, adresa prebivališta).

(4) Registar izdatih međunarodnih vozačkih dozvola vodi se uredno i ažurno, a eventualne ispravke pogrešno unesenih podataka ovjeravaju se potpisom ovlaštene osobe izdavaoca međunarodne vozačke dozvole.

(5) Registar izdatih međunarodnih vozačkih dozvola i ostala prateća dokumentacija čuva se sa rokom od tri godine od dana izdavanja međunarodne vozačke dozvole.

(6) Izgled registra izdatih međunarodnih vozačkih dokumenta dat je u Prilogu broj 3 i čini sastavni dio ovog Pravilnika.

Član 7.

(Osiguravanje obrazaca međunarodne vozačke dozvole)

(1) Auto-moto klubovi/auto-moto savezi i auto-moto društva iz člana 2. stav (1) ovog Pravilnika osiguravaju obrasce međunarodne vozačke dozvole.

Član 8.

(Nadzor i kontrola)

(1) Nadzor nad provođenjem odredaba ovog Pravilnika vrši Ministarstvo komunikacija i prometa Bosne i Hercegovine.

(2) Kontrolu nad provođenjem odredaba ovog Pravilnika vrše tijela unutrašnjih poslova entiteta, Brčko Distrikta Bosne i Hercegovine i kantona.

Član 9.

(Prestanak primjene propisa)

Stupanjem na snagu ovog Pravilnika prestaju da važe svi propisi kojima je regulirna oblast koja je predmet ovog Pravilnika.

Član 10.

(Stupanje na snagu)

- (1) Ovaj Pravilnik stupa na snagu osmog dana od dana objavljivanja u "Službenom glasniku Bosne i Hercegovine".
- (2) Ovaj Pravilnik objavljuje se i u službenim glasilima entiteta i Brčko Distrikta Bosne i Hercegovine.

Broj 01-02-2-328-11/07
5. februara 2007. godine
Sarajevo

Ministar
dr. **Branko Dokić**, s. r.

Broj 01-02-2-2635/11

24. maja 2011. godine

Sarajevo

Ministar

Mr. sc. Rudo Vidović, s. r.

Prilog broj 1

OBRAZAC MEĐUNARODNE VOZAČKE DOZVOLE

Dimenzije: 105 x 148 mm

Boje: korice: sive

strane: bijele

Strane 1 i 2 sastavljaju se na službenim jezicima u upotrebi u Bosni i Hercegovini, latiničnom pismu.

Posljednja strana sastavlja se na francuskom jeziku.

Srednje strane su bijele boje sa naznakom kategorije vozila za koju važi dozvola i ispisane su na francuskom, engleskom, španskom, njemačkom i ruskom jeziku.

BOSNA I HERCEGOVINA
BOSNIE - HERZÉGOVINE

BIH

MEĐUNARODNI AUTOMOBILSKI SAOBRAĆAJ/PROMET
CIRCULATION AUTOMOBILE INTERNATIONALE

MEĐUNARODNA
VOZAČKA DOZVOLA
PERMIS INTERNATIONAL DE CONDUIRE

N^o A

KONVENCIJA O PROMETU/SAOBRAĆAJU NA PUTEVIMA/CESTAMA
OD 8. STUDENOG/NOVEMBRA 1968. GODINE
CONVENTION SUR LA CIRCULATION ROUTIÈRE DU HUIT NOVEMBRE 1968

Važi do _____
Valable jusqu'au _____

Izdana / izdata od _____
Délivré par _____

U _____
À _____

Na dan _____
Le _____


Broj nacionalne vozačke dozvole _____
Numéro du permis de conduire national _____

Potpis _____

Pečat
Cachet

1.
2.
3.
4.
5.

CACHET ⁴	CACHET ⁴
A	A1
B	B1
C	C1
D	D1
BE	
CE	C1E
DE	D1E



.....
Signature du titulaire

EXCLUSIONS

Le titulaire est privé du droit de conduire sur le territoire de Jusqu'au (6)
⁵ Le
 À⁶

Le titulaire est privé du droit de conduire sur le territoire de Jusqu'au (6)
⁵ Le
 À⁶

- 4 Sceau ou cachet de l'autorité ou de l'association qui délivre le permis. Ce sceau ou cachet ne doit être apposé en regard des catégories ou sous-catégories de véhicules que si le titulaire a le droit de conduire les véhicules en question.
- 5 Nom de l'État.
- 6 Signature et sceau ou cachet de l'autorité qui a annulé la validité du permis sur son territoire. Si tous les emplacements prévus pour les exclusions sur cette page ont déjà été utilisés, toutes autres exclusions devraient être inscrites au verso.